



КОМСОМОЛОНЬ ВАЙГЯЛЪ

ЛИСЕНДИ V-це КИЗОСЪ

ВЛКСМ-нь Мордовский
обкомъ и Саранскяень
горкомъ газетасна

Адресъ: г. Саранск, ул. Ленина 11,
телефон № 1—72.

НОЯБРЬ
28-ЦЕ ШИСТОНЗА
1937 КИЗОНА
130 (504)

Лисенди коти 12-коть.

МОСКУ, КРЕМЛЯ

СТАЛИН ялгати

Дорогой Иосиф Виссарионович!

Рабочайхне, служащайхне, то-
нафнихне, студентне и инженер-
но-технический работнихне—Са-
ранск ошень сембе трудящайхне
и МАССР-нь Саранский, Лямбир-
ский, Кочкуровский райоттне
колхозниксна, конат пуромсть об-
щегородской митингу, конац пос-
вященной СССР-нь Верховный Со-
вету предстоящий выборхненди,
кучихть Тейть, гениальной вождь-
ти, од Конституция и социалис-
тический избирательный законть
творецонцы пламенной больше-
вистский привет.

СССР-нь од великай Конститу-
ция знамя ала, конанцы тво-
рецокс ащат Тон, Сталин ялгась,
минь родинанькень свободнай и
павазу народец суvasь всемирно-ис-
торический торжествати—СССР-нь
Верховный Совету кочкамань ши-
ти аноклань решающей шит-
ненди.

Сталинский избирательный за-
конць политический эряфти ке-
подсь трудящайхне од слойхть,
конат советский странань сембе
народть мархта марса единодуш-
найста няфнихть творческий актив-
ность и славят Тонь, Сталин ял-
гась, лемценъ, кода социалистичес-
кий победань гениальной вождень и
организаторонь, кода миень необ'ят-
най социалистический родинань-
кень ламанациональная народонц
павазу и радостнай эряфонь Кон-
ституциянь творецонц.

Мордовский народсь азондсы
Тейть, Сталин ялгась, эсь бес-
предельнай благодарностенц эрь-
шинь заботанкса и лезксонкса, ко-
нат тейнек обеспечидазь свобод-
най, равноправнай и павазу
эряфть.

Неизмеримай миень ненавистень-
ке японо-германский фашизмань
подлай агенттненди—контррево-
люционной троцкисттненди, буха-
риненденди и буржуазнай наци-
оналисттненди, конат тяряфнестъ
нельгомс миень завоеваниянькень
и шарфтомс миень капиталистичес-
кий рабствань, нищетань, вача-
шинь, невежествань кити. Миень,
Сталин ялгась, кочкаматненди
аноклань шитнен пингста ке-
моненькьра касфтсаск миень
большевистский бдительностень-
кень, педа-пес лифтсаск лангу
и машфтсаск сембе подлай троц-
кистско-бухаринский и национа-
листический бандиттненди.

Кельгома Сталин ялгасы! Вер-
ховный Совету кочкамань радост-
най шитне миень ошсонк паш-
кодсть выдающей события. Тей-
нек сась фкя инь лучшей Сталин-
ский питомецъ, знаменитай по-
лярникс, Севернай Полюсть за-
воеванияса экспедиция мужест-
веннай начальникоц, Верховный
Совету депутатонди миень канди-
датоньке, Советский Союзонь ге-
ройсь Отто Юльевич Шмидтс.

Северть эень пустынянзон без-
молвиянь велькс миень родинань-
кень лучшей цьоранза, марса неу-

томимай Отто Юльевич мархта,
кепедсть Сталинский эпохатъ вели-
чиянь знамя. Тя сон—больше-
викс, ученый исследователь мар-
са Водопьяновъ и Советский на
ротть лия славнай цьоранзон мар-
хта, конат вдохновлядафт ло-
маттнен колга Тонь заботацень
мархта, йотафтозь эряфс практи-
каса Арктикань освоениянь ге-
ниальной планть.

Бесстрашный геройхть, кода Отто
Юльевичс, конат анокт пашко-
демс миень партианькень любой
заданиянь, мог воспитандамс ань-
цек миень родинаньке, аньцек миень
большевистский партианьке, ко-
нанц эса руководит великай и
мудрай Сталинц.

Миень гордимся, што Верховный
Совету депутатонди кандидатокс
ащи миень эздонк великай Сталинъ
лучшай воспитанникоц—больше-
вистский партиань знатнай цьорац
Отто Юльевич Шмидтс.

Отто Юльевич ширезонк са-
манц, миень Сталин ялгась, ванон-
цаск, кода миень странанькень
выдающей ломанензон трудящайхне
миллионнай массатнен мархта
соткссон колга миень партианькень
ленинско—сталинский ЦК-нц забо-
танц, Верховный Совету депута-
тонди избирательхнен синьценъ
кандидатсон мархта—миень ро-
динанькень, миень Ленинонь—Стали-
нонь родной партианькень лучшей
цьоранзон мархта, кода Сталин-
ский единствань воплощения.

Миень ширезонк „ледовой ко-
миссартъ“ Отто Юльевич присут-
ствия вдохновляет миень, Сталин
ялгась, большевистский тефненди,
избирательнай участкитнен эса
агитационно-массовой работатъ ке-
листа вишкептемаса неутомимай
работати. Миень по-большевистски
азонцаск кажнай избирательти
миень избирательнай округонькень
эза Союзонь Совету и Националь-
ностень Совету депутатокс выдви-
нутай миень ломаненькень жизнен-
най киснон, работаснон и заслу-
гаснон.

Миень организованна эвондатама
миеньке и обеспечидасаск исто-
рический шиста—декабрь 12-це
шистонза участкитненди сембе
избирательхнен сяда процентс
эвондамаснон и сембе, кода фкя
максаск эсь вайгяленькень Вер-
ховный Совету депутатонди миень-
ценъ кандидатонькень Отто Юль-
евич Шмидт, Иван Алексеевич
Кузнецов и Николай Викторович
Красовский ялгатнен инкса, кода
стама ломаттнен инкса, конат
тевса няфтезь наротти синьценъ
беззаветнай преданностьснон, Ле-
нинъ—Сталинъ партианцы без-
граничной преданностьснон.

Шумбра улеса коммунизматъ
инкса неустрашимай борецонъ
Сталинский племясь!

Шумбра улеса Социализманъ
Конституциянь творецон, сембе
миронь трудящайхнен мудрай
вождьсна и учительсна Сталин
ялгась!



Иван Алексеевич Кузнецов

ВКП(б)-нь Мордовский обкомъ васень секретаренц обязан-
ностензон исполняющайсна. Союзонь Совету кочкамань Сара-
нский избирательнай комиссиясь регистрировандазе сонъ Союзонь
Совету депутатонди баллотировандаманкса.

Иван Алексеевич КУЗНЕЦОВСЪ

Иван Алексеевич Кузнецовс
шачсь 1897 кизоня, служащай,
ВКП(б)-нь член 1918 кизоста ся-
вомок.

1918 кизосъ! Гражданский вой-
нась разгарса. Свергнутай рус-
ский буржуазиясь—фабрикантне,
помещикне и кулакне кепотсть
бывшай Россиять разнай пензон
эса белогвардейский восстаният
Советский власть каршес. Запад-
ста, Северста, Югста и Дальний
Востокста—сембе ширде импе-
риалистический 14 странань бур-
жуазиясь кучси белогвардеененди
лезксонди эсь войсказон и ору-
жиянзон, пулеметт, пушкат, танкат.
Железная кольцань блокадаса ми-
ровой капиталс фатязе мираса васе-
ньце социалистический странатъ. А
странатъ эса, Самараста сявомок
Владивостоку модемс, капитализ-
матъ прислужниконза эсерхне и
меньшевикне, заграничань указ-
катъ коряс, организовадасть контр-
революционный восстания, царский
Россиянь бывшай военнопленнай-
хненъ, чехословацкий войскатненъ
эзда.

Тя грозная врематъ, мзярда ки-

зефкссь ащесь соньценъ Советский
власть существованиянь колга,
интеллигенция и служащайхненъ
эзда аф ламось мольсть больше-
виконь партиав. Мольсть аньцек
сят, конат педа-пес непоколебимо
верондасть коммунизматъ идея-
зонды, Ленинонь—Сталинонь те-
вонцы. Мольсть аньцек сят, кие
беззаветно и бестрашно решилс
тюремс Советский власть инкса:
сяськомс врагть али максомс Со-
ветский власть инкса светса
самай питнить—эсь эряфценъ.
Именно тя врематъ, 1918 кизонъ
майста, комс кизоса цьорась
Иван Алексеевич Кузнецовс доб-
ровольно тусь Красноярск ошень
красногвардейский отряду и арси
коммунистический красногвардей-
ский отрядтъ комиссаронцы по-
мошникоск.

Разрозненный красногвардейский
отрядтне не могли справиться
чехо-белогвардейский регулярнай
войскатненъ каршес. Сибирьса Со-
ветский властсь прась. Воцарилс
адмирал Колчакс. Контрреволю-

Пец 2-це стараницаса

Иван Алексеевич Кузнецовсь

П е п

циясь временна восторжествован-дась. Ушедсь кошмарнай белай террорсь. Кеметть тьожатть ра-бочайхт и крестятт ляцендесть, кеметть и сядот тьожатт на-саткшнесь тюрьмаса. Шис илядф большевикне и красногвардеецне тушендсть глубокой подпольяв.

Кузнецов ялгась кяшенди белай-хненъ эзда Омск ошса. Тяся сон вступил большевиконь подпольнай организациив. Тя пингста сявомок вов ни курок 20-сь киза, Иван Алексеевичсь работай Ленинонь—Сталинонь партияса партийнай ра-ботань инь ответственной участ-кава.

ВКП(б)-нь Омский подпольнай комитетть заданиянц коряс 1919 кизонь февральть 1-це шинц карша веть сон активна участвовандай колчаковский войскактень йоткса, „крепостьса“ (военной казармат) восстаньяса. Тяда меле сон рабо-тай ВКП(б)-нь Прибайкальский под-польнай комитетса председателъкс и Верхне-Удинский подпольнай военно-революционной комитетса начальникокс.

Иван Алексеевич Кузнецовсь ащи Прибайкальяс партизанский движениань фкя организаторкс и руководителъкс.

Белайхненъ разгроминдамдот и Верхне-Удинск ошть занянда меле Иван Алексеевичсь работай ВКП(б)-нь Верхне-Удинский коми-тетса председателти товарищакс. Тяда меле сон йотнесы бело-япон-ский фронтть, организовандай парти-занский отрядт врагть тылса Ингодинский района, Забайкаль-ский областса.

1920 кизотъ пе маластонза сяво-мок, Чита ошть занянда меле, Куз-нецов ялгась заведует ВКП(б)-нь Забайкальский губкомса инструкторский отделса, 1921 кизоста ся-вомок 1924 кизотъ самс тонафни Москуса Свердловть лемса ком-вузса. Комвузть аделамдонза меле 4 кизот работай ВКП(б)-нь Сор-мовский районнай комитетса и Ни-жегородский губкомса. Тяда меле работай Москуса заводса и ВКП(б)-нь Московский обкомса от-ветственной партийнай работаса.

1934-це кизотъ май ковстонза сявомок 1937 кизонь сентябрьть самс Кузнецов ялгась работай ВКП(б)-нь Центральной Комитетть руководящей парторганонь отдел-сонза инструкторкс. Тяни работай ВКП(б)-нь Мордовский обкомть васеньце секретаренц обязаннос-тезон исполняйкакс.

Кода гражданский войнань ки-зотненъ, тяфта и мирнай социа-листический строительствань ки-зотненъ пингста, Кузнецов ялгась ащи активнай борецокс Ленинонь—Сталинонь тевонц инкса, социа-лизматъ инкса. Закаленной граж-данский войнань горниласа, сон вятсь и вяти непримиримай тюре-ма контрреволюционерхненъ, тро-кисттненъ, бухаринецненъ, бур-жуазнай националисттненъ и на-родть лия врагонзон каршес.

Иван Алексеевич Кузнецовсь партийнай цебарь организатор и руководитель, конанц воспитанда-зе Ленинтъ—Сталинтъ партиац, ащи Верховнай Совету депута-тоньди достойнай кандидатокс.

Карматама голосовандама Отто Юльевич Шмидт и Иван Алексеевич Кузнецовть инкса

Декабрь ковть 12-це шистонза Советский Союзть многомиллион-най народон кармай кочкама эсь достойнай цьоранзон СССР-нь Верховнай Совету. Тя шись сем-бе народти ащи оцю торжествакс.

Ноябрь ковть 22-це шистонза Саранский избирательнай округть 15-це № участкасонза ульсь йо-тафтф участканъ предвыборнай пуромкс. Пуромкса ульсь 300 ло-матъ, конат няфтезь эсь величай-шай преданостнон коммунисти-ческий партияти и Советский властью.

Тя пуромкса тийсь доклад МАССР-нь прокурорсь Трубченко ялгась. Сонь докладоц ульсь тийф живойста, подробнайста, шарьхо-девикс простой валса азондозе избирательнай систематъ техни-канц и регистрировандаф Верхов-най Совету депутатоньди канди-даттненъ биографияснон. Сон под-робнайста азондозе Севернай по-люсть завоевателенц, стойкай боль-шевикть, Советский Союзонь Ге-ройть Отто Юльевич Шмидт би-ографиянц. Тяфта жа подробнай-ста азондозе ВКП(б)-нь Мордов-ский обкомть секретаренц обязан-ностезон исполняющаец Иван Алексеевич Кузнецов ялгать би-ографиянц. Лама ульсь максф док-ладчикти кизефкста.

Тяда меле кармасть выступать избирательхне. Проний ялгась эсь выступлениасонза корхтась:

— Минь карматама голосован-дама Арктикатъ бесстрашнай заво-евателенц Отто Юльевич Шмидт инкса и Иван Алексеевич Кузнецов ялгать инкса. Отто Юльевич Шмидтсь и Иван Алексеевич Куз-нецовсь нят стама коммунист, конат честь мархта оправдали

партиять довериянц. Синь педа-лес преданнайхть великай Ста-линтт тевонцты, коммунизматъ тиemanцты. Сяс и минь оцю ра-дость мархта максаськ эсь вай-гяленькенъ родинанькенъ достой-най цьоранзонды. Сембе кода фкя карматама голосовандама Отто Юльевич Шмидт и Иван Алек-сеевич Кузнецовть инкса.

— Спасибо минь кельгома дру-гонькенди Сталин ялгати павазу и радостнай эряфть максоманц инкса,

Тяфтама выборхт историяса нин-ге ашельхть. Вов мес минь пяк и пяк счастливайхтыма. Минь эрята-ма великай Сталинский эпохаса, социалистический эпохаса. Ань-цек Советский властью макссь трудовой народти величайшай прават.

Минь кандидатоньке ВКП(б)-нь Мордовский обкомть секретаренц обязанностезон исполняющаец Иван Алексеевич Кузнецов ял-гась, конац пощадафтома тюрсь и тюри партиять врагонзон каршес — трокисттненъ, бухаринецненъ и лия контрреволюционной эле-менттненъ каршес. Сяс и минь максаськ эсь вайгяленькенъ Куз-нецов ялгать инкса,—корхтай За-порожнов ялгась.

Шумбра улеза коммунистичес-кий партиясь и сонь рулевоец, на-родтненъ великай вождсна вели-кай Сталинц! Шумбра улеза Сталинский Конституциясь! Тяф-тама радостнай ивадемаса аде-лавсь участковай предвыборнай пуромкссь.

Пуромкста меле избирательх-ненди педучилищань агитгруп-пась няфть драматический и физкультурнай выступлениат. И. Б.

НАЦИОНАЛЬНОСТЕНЬ СОВЕТУ ДЕПУТАТОНЬДИ КАНДИДАТСЯ

Павел Михайлович Яськинц

Павел Михайловичсь шачсь 1878 кизоня Шугурово вели, Б.-Берез-никовский району, Мордовский Автономнай Республикав беднай крестьяннионь семьяс.

Павел Михайлович Яськинть родителенза ульсь пяк беднайхть. Штоба кода-нибудь трымс пря, Павел Михайловичти савсь мо-лемс козяньди работама. 1891 ки-зоста сявомок 1917 кизоти модемс сон работакшнесь Волгатъ лангса, васенда волжский пароходтненъ эса матросокс, меле тоса жа, Вол-гатъ лангса, ведень кайсикс.

1917 кизоста сявомок 1919 ки-зотъ самс работась велель хозяй-стваса. А 1920 кизоня Яськин ял-гать мобилизовали, и сон тага повсь Волгатъ лангс, коса тага работась ведень кайсикс. Тоса сон работась 1921 кизотъ самс, а меле сась куду и кармась работама ве-лель хозяйстваса. 1927 кизотъ самс Яськин ялгась работась соньценъ личной хозяйствасонза, а 1928 кизо-

ня Шугурово вели организован-дасть колхоз и Яськин ялгась су-вась колхозу. 1934 кизоня органи-зовандасть опытной пакса и хата-лаборатория, Яськин ялгать назна-чили хата-лабораторияв заведую-щайкс. Тяни 1935 кизоста сявомок сон ащи большевиконь коммуни-стический партияти сочувствующайкс.

Яськин ялгась колхозса тиенди урожайностть кепедеманц колга опытт и тя работать велель сон сясъ урожай эрь гектарста 26 цент-нерхт.

Павел Михайлович Яськинть пяк оцю авторитетоц колхозникненъ йоткса. Сонь кельксась колхозник-не эсь колхозсонза и окружающай колхозонь колхозникне. Кельксась колхозникне Павел Михайловичть сяс, мес сон опытник, выдержен-най колхозник, преданнай Лени-нонь — Сталинонь партиянцты, преданнай коммунизмат.

18-це избирательнай участкаса

Саранск ошень 18-це № избира-тельной участкась помещается маслозаводонь клубса.

Мязрда суват клубть помещени-язонза эстакгия няеви праздничнай обстановкас, конац кепедьсы наст-роенияценъ.

Клубть коридороц отепленай. Вдь тяся декабрьть 12-це шистон-за избирательсь получае бюлле-тень, штоба йотаме залу голосо-вандама. Залса цебарьста оборудо-вандафт кемонь комнатат, конат-ненъ потмосост специальнай морк-шкат, электрический лампочка, стул и чернила. Эрь комнататъ вельксса Ленинонь—Сталинонь пар-

тиянц руководителензон портрет-на. Залть кучкаса стол, конанц ланкса агитационно-пропагандист-ский литература.

Избирательсь эсь кандидатуранц инкса голосовандама, йотай сле-дующай комнатав, коса нолдасы бюллетень мархта конверттъ изби-рательнай урнати.

Сяс, мес избирательнай участ-кась ащи йолма помещениася и непредставляется возможность тьо-жаньда лама избирательненди улемс тоса, сянкса избирательхненди оборудовандаф махорочнай фабри-кань клубсь, конац ащи аф ичко-зе избирательнай участкати эзда.



Михаил Ильич Кулаковсь—МАССР-нь ЦИК-ть председателенц заместителенц. Национальностень Совету кочкакатненъ коряс Краснослободский окружной изби-рательнай комиссиясь регистрировандазе Национальностень Совету депутатоньди кандидатокс.

Михаил Ильич Кулаковсь

Октябрьский революцияда инго-ле Кулаков ялгась работакшнесь батракокс кулакненъ ширеса Но-восельцева велеса, Кочкуровский района, Мордовский АССР-са.

Безземельясь и нищетась род-ной велесонза заставили сонь йом-ланиястакига скитаться, штоба мумс эсьтеенза кусок кшиня. Повсь сон Аральский моряти, коса лама кизот сон работась „Хива“ паро-ходнай обществаса масленщикокс.

Гражданский войнань пингста Кулаков ялгась ульсь Якстерь Армияса, Туркестанский полкса боецокс.

1925 кизоня сон сувань Всесоюз-най Коммунистический партияв. Работась Новосельцова велеса веленьсоветонь председателъкс и Кочкуровань волисполкомса пред-седателъкс. 1928 кизоста сявомок —районнай финансовай отделть заведующаец и Кочкуровский рай-исполкомть председателенц полаф-тыец.

1930 кизоста сявомок 1933 кизо-ти модемс Кулаков ялгась Куйбы-шевский веленьхозяйственной шко-ласа.

1933 кизоста Кулаков ялгась Кочкуровский райисполкомть пред-седателец. 1934 кизоня сон ульсь кочкаф МАССР-нь Центральной Исполнительнай Комитету членкс

МАССР-нь ЦИК-ть VII-це сес-сиянц путфксонц коряс, 1937 ки-зонь сентябрь ковста, Кулаков ялгась ульсь кочкаф МАССР-нь ЦИК-ть председателенцты васеньце заместителъкс.


Выборонь шиня тяся кармай уле-мя буфет, кармай морама музыка и стак тов.

Идъ мархта аватненди оборудо-вандафт ни яслят, конат декабрьть 12-це шистонза кармайхть работа-ма 6 частста сявомок 24 частти самс. Яслятне работайхть-ни.

Тяниень пингть избирательхне якайхть участкава, коса доверен-найхне знакомят синь выборхненъ ходснон мархта, Верховнай Со-вету депутатоньди регистрировандаф кандидаттненъ биографияснон мар-хта.

Тишкин.

Кода голосовандамс СССР-нь Верховнай Совету кочкамань шиста



1 СССР-нь Верховнай Совету кочкамань шиста избирательсь должен лична сонць б частста сявомок шоб-дава 12 частти веть модемс эсь избирательнай участко-за. Эрэви мархотт сявомс, паспорт, али колхознай книжка, али профсоюзнай билет, али личностень лия удостоверения.



2 Тя документть избирательсь няфнесы участковой избирательнай комиссиять секретаренцты, штоба отметить избирателень спискати.



3 Избирателень спискати коряс проверямда меле и избирателень списав отеткада меле избирательсь получай избирательнай бюллетень и установленнай образца конверт.



4 Йотамок комнатав, кона явфтф избирательнай бюллетенень пяхкодемс, избирательсь эрь избирательнай бюллетеньца кадонцы ся кандидатть фамилиянц, конань инкса сон голосует, и нардасыне илядыхнень.



5 Избирательсь пунтесыне бюллетеньтнень конвертти и клекшнесы конвертть.



6 Избирательсь йотси комнатав, коса ащи участковой избирательнай комиссиясь, и избирательнай бюллетеньтнень мархта конвертть нолнесы избирательнай ящикти.

Николай Викторович Красовский ялгась выдвинутай Национальностень Совету депутатоньди кандидатоке Саранскяень городской избирательнай округть эзга

Саранск ошень маслозаводть, хлебозаводть, табачнай фабри-кати, швейнай мастерскойть кон-сервной комбинатть рабочаень, служащаень и инженерно-техни-ческий работниконь марстонь пу-ромксне и Лямбирень, Сире-Шай-говань и Вертелимонь райоттнень эса колхозниконь марстонь пуромк-

сне, выдвинули СССР-нь Верхов-най Советть Национальностень Советозонза депутатоньди канди-датокс Саранскяень городской из-бирательнай округть эзга Нико-лай Викторович Красовский ялгати, конац шацсь 1904 кизоня, ВКП(б)-нь член, Мордовский АССР-нь Внут-ренний тевонь народной комиссарсь, званияц—полковник, заслуженный пограничник-орденоносец.

Общественнай организациянь марстонь пуромксне эняльдихть Красовский ялгати, максомс эсь согласианц баллотироваться депу-татоньди кандидатоке Саранскяень городской избирательнай округть эзга МАССР-ть эзда СССР-нь Вер-ховнай Советть Национальностень Советозонза.

Тракторхнень петемаснон колга

МАССР-нь Совнаркомсь кемок-стась 1937-це—38-це кизоньди трак-торхнень осенне-зимний петемаснон колга план.

Тя планть коряс улихть йота-фтф: капитальный ремонт 520 трактороньди, тяка лувксса 1937-це кизонь IV-це кварталста улихть петьфть 325 тракторхт.

Тракторхнень петемасна дол-жетт улемс аделафт 1938-це ки-зонь мартть аф 1-це шидонза поз-дня.

По-большевистски организовандамс предвыборной агитациять

Минь великий необ'ятной странанькень сембе уголоконзон эса чувствуется политический активностень оцю под'ем, конач связанной СССР-нь Верховный Совету предстоящей выборхнен мархта.

Политический агитациять центрац тьяни эриви кандомс непосредственно избирательной участкас.

Избирательная кампаниясь тьяни сувась тяфтама полосас, мзярда эриви глубокайста и серьезнайста агитировандамс ся кандидатт инкса, конач зарегистрировандаф ся али тона избирательной округть эзга.

Предвыборная агитациясь эриви ладямс, организовандамс четкайста и сембе ширде шарькодевиства.

Вертелимский районца, штоба тонафнемс Сталинский Конституциять и од избирательной законтьти организовандафт 38 кружокт, выделенайхть 87 комсомолецт пропагандистокс и агитаторкс. Тядя башка, 3 комсомолецт работайхть участковой избирательной комиссиянь председателкск, 6—участковой избирательной комиссиянь председателенди полафтыкс, 11—участковой избирательной комиссиянь секретарькс, 11—участковой избирательной комиссиянь членкс и 2—окружной избирательной комиссиянь членкс.

Пропагандистке Головановс (райцентраса), Кочкинц—Александровкаса—лац ладязь эсь участкасост агитационно-пропагандистский работать, васендакигя синьц цебарьста содасазь СССР-нь Верховный Совету выборхнен колга Положениять. Четкайста и понятнайста сонь азонткшнесазь избирательхненди и сембе населении. Эсь участкасост якайхть избирательхненди кудгаст и азонткшнесазь кода и мзярда кармайхть йотама СССР-нь Верховный Совету выборхне, азонткшнесазь зарегистрировандаф кандидаттнен биогграфияснон, синь заслугаснон и стак тов.

Но эриви азомс, што тя районца предвыборная агитациясь и пропагандась ладяф нингя лафчста. Тяся улихть тяфтама пропагандистт и агитаторхт, кода Федячкинц и Рыбинц, конат и синьц пяк калдявства содасазь од избирательной законтьти и тьян сюнеда пльня виздихть модемс избирательхнен йоткса беседань йотафтома.

ВЛКСМ-нь райкомс калдявства лезды эсь агитаторонзонды и пропагандистонзонды. Райкомс вестеньга ашезень пуропне синь и ашезь макссе теест кодамовок установкат, указанийт. ВЛКСМ-нь райкомс ограничилс сянь мархта, што кружокнен эса тонафнихть 327 од ломатьт, а юкстазе сянь, што районца сембец лувондови 4000—шка од ломань. Лисеньди, што районца аныцек 327 од ломатьт тонафнесазь од избирательной законтьти, а илядыхне 3673 од ломатьтне юкстафт.

Аныцек аф кунара ВЛКСМ-нь райкомс ВЛКСМ-нь обкомть кеме указанийдонза меле йотафтсь велетнен эзга од ломатьтнен мархта пуромкст СССР-нь Верховный Совету выборхнен колга.

Развернуть большевистский агитациять и пропагандать, активна работамс избирательной участкаса—Ленинский комсомолть основной задачац.

Большевистский агитаторсь должен улемс насторожен. Везде и всюду комсомолецс, агитаторсь обязан мяляфтомс сянь, што разгромленый класснен осколкасна: попне, церковникне и сектаттне кой-коса пытаются вятемс враждебной агитация. Вражеский агитациянь малейшая попыткакненди эриви максомс решительной отпор, большевистский агитациять вельде.

Избирательной участкаса, кудга, общежитиява, предприятиява и учреждениява эриви маштоз использовандамс убеждениянь большевистский сембе методтнен, штоба фатямс большевистский влияния сембе избирательхненди. Избирательная кампаниять эривхть использовандамс лучшей агитаторхненди. Энергичной, четкой организационной и агитационной работаса анокласайнек миллиотт избирательхнен СССР-нь Верховный Совету выборхненди, штоба синь единадушна максолезь эсь вайгяльснон СССР-нь Верховный Совету депутатонди сят ломатьтнен инкса, конат тевса няфтезь эсь преданностснон Ленинонь—Сталинонь большевистский партияц тевонцты, народть тевонцты, тевса няфтезь эсь маштомаснон Ленинонь—Сталинонь и сембе народть, тевснон инкса тюремаса.

М. Сайгин.

Организовандамс большевистский агитациять избирательной участкаса

Аф ичкезе Верховный Совету выборонь шись. Советский Союзонь нароттне макссаз эсь вайгяльснон Социалистический родинаць лучшей цьоранзонды и стиронзонды.

Пингсь нюрхкяня. Тя пингть эриви как никогда использовандамс агитационно-пропагандистский работать вишкешеманцы. Но перестроили ли кой-кона избирательной участкатне эсь работаснон, направили ли сембе эсь вийснон агитационной, организационной и пропагандистский работать ладяманцы? Тя ответственная задачати Саранск ошень 10-це № избирательной участкаса пропагандистонь и агитаторонь совещаниясь няфтезе, што 10-це № избирательной участкаса агитационно-пропагандистский работась ладяф калдявдонга калдявства. Кой-кона партийно-комсомольский организациятне агитаторкс и пропагандистокс выделяли нят ломатьтнен, конат аф способнайхть тя

тевити. Пединститутса выделенной пропагандистокс и агитаторкс Лемов, Бузыльков, Орешкина, Наркомземста—Мишканов ялгатне эсь участкасост агитационной работа йофикс аф йотафнихть. Избирательхненди кизефксснонды максихть аф точной ответт. Ламоксть занятиятнен сязеньдезь сяс, мес занятиятненди времастост ашесть аноклакшне.

Эриви азомс, што избирательной участкань председателсь Глухойялгась по-большевистски ашезь кярмодь участкаса агитационно-пропагандистский работать ладяманцы. Избирательной участкати кемокстаф 21 агитаторхт и пропагандистт. Пропагандисттнен работаснон избирательной участкань комиссиясь ашезень проврендакшне, инструктивной установкат ашесть макссес.

Тя калдяв организационной работать сюнеда участкаса агитациясь и пропагандась сязьф.

Щеголов.

Кулось Сулейман Стальскийсь

Дагестанонь народнай поэтсь Сулейман Стальскийсь

Ноябрьть 23-це шиня шобдава эсь родинасонза — Дагестанский АССР-нь, Касум—Кентский районь, Ашага—Сталь аулса кулось Дагестанский народонь великий поэтсь. Дагестанонь советский писательхнен союзснон председателец орденоносецсь Сулейман Стальскийсь.

Мекольден шинзонды самс, изнуренной недугса, Сулейман Стальскийсь пяк интересовандакшнесь странать эряфонц мархта, мялещоль работамс. Оцю мялса сон ванць СССР-нь Верховный Совету кочкаматненди анокласть мельга.

Эсь цебарь моронзон Сулейман Стальскийсь посвятил трудяйхнен великий вождьснонды Лениноньди и Сталиноньди, большевиконь родной партияти, партиять и правительствать руководителензонды, минь кельгома и непобедимай Якстерь армиянькеньди.

Ламонь крда Стальскийсь эсь стихонзон оржашиснон лацсезень народть и партиять врагонзон—презренной троцкистско-фашистский убийцатнен, шпиоттнен и диверсаттнен каршес, кулакнен и муллатнен каршес.

Дагестанонь народнай поэтсь ульсь кружаф всеобщей вниманияса, СССР-нь правительствась Сулейман Стальскийть казезе высшай наградаса—Ленинонь ордена.

Народсь удостоиндазе сонь высшай доверияса, выдвигандамок СССР-нь Верховный Совету депутатонди кандидатокс.

Сулейман Стальскийть куломанц колга скорбной кулясь йотазе сембе Дагестанть. Предприятиява, аулга тифтельхть траурнай митингт.

Великий поэтть потерянц трудяйхнен йотафцаз, кода народнай оцю горянь.

Замечательный певец

Телеграфсь кандсь скорбной куля Сулейман Стальскийть—коммунизм тевонкса борець, орденоносецть, Дагестанский народть великий поэтонц, Союзонь Совету депутатонди кандидатт, Дагестанонь писательхнен Союзснон председателенц куломанц колга.

Эсь эряфонц оцю и славной пяльксонц Сулейман Стальскийсь посвятил народнай горяць колга моротненди, грядущай освобожденияньди надияматнен колга и сатнезе эряфть, мзярда йотафтовсть эряфс нароттнен сембеда радостнай мечтасна. Теенза-нят надеждатнен морайснонды—прась паваз арамс социалистический обшествовать стронтелензон рядснонды.

Сулейман Стальскийть моронза претворились тевоньди.

Сире поэтсь кассь государственной деятелькс. Тя лисеньдсь Сулейман Стальскийть эряфонь сембе опытонц эзда. Ашага—Сталь аулса ашувонь саклять эзда Советский народтнен столицасост Кремлевский дворецти модемс сонь киц ульсь лама миллиотт трудящань виде и славной кикс, конанц эзга историйти сувась поэтне и сталевархне, поступфне и инженерхне, конат арасть народнай геройкс. Тя кить панжезе

Ленинонь—Сталинонь великий партиясь.

Сулейман Стальскийть творчествоц—советский литературать фкиянь цебарь страницац.

Аф ваномок эсь 68 кизонзонлангс, Сулейман Стальскийсь нингя ульсь вию, ашезе путне поэтический оружиц, аноклакшнесь пряд работатненди, и кодама нингя удивительнай мороса мог кеняфтемс минь тя великий старецсь.

Лядсть аф лама шит декабрьть 12-це шинцты, исторический датать самс, мзярда народть доверияц мархта облеченнайсь, Стальскийсь, „XX-це веконь Гомерсь“, должналь арамс Союзонь Совету депутатокс.

Поэтсь изь эряв тя шить самс, но минь седисонк—сон народнай избранник.

СССР-нь писательхнен Союзснон правленияц вырожаец эсь глубокой искренний сочувствияц дагестанский народти, конач юмафтозе эсь великий поэтонц и гражданинонц.

Народнай павазонкса борець—Сулейман Стальскийть—киц должен арамс сембеньди тейнек, СССР-нь писательхненди, эряфонь и творчествовань образецокс.

СССР-нь писательхнен Союзснон правленияц.

Сулейман Стальскийть калмамац

Ноябрьть 26-це шиня Махач—Каласа калмаф Дагестанский народть поэтоц Сулейман Стальскийсь. Лама тьожатть трудяйхть прважась орденоноснай ашугть теланц мархта лазксть.

Калмоть вельксса, траурнай митингса, выступил поэтть младшай цьорац Мусаибсь, конач морафтозень алянц памятенцы посвященной стихонзон.

СИРЕ ТЕРИЗМОРГАСА

Шайговань р-н. Сире-Теризморга велень колхозникне пяк цебарьста, радостнайста праздновандазь Великий Октябрьский Социалистический революциять XX-це годовщианц. Ульсь йотафть торжественной заседания, тядя меле ульсь путф постановка „Женидь-

ба“.

Колхознай правлениясь казезень стахановецнен и ударникнен. Колхозникне корхтайхть, што Октябрьть 21-це годовщианц васьфтьсаськ нингясяда оцю победаса, ульхтыма сембе стахановецт трудса.

Живайкин.

Ответ. редакторсь П. ЕЖОВ.

Упол. Главлита № Д-130 Заказ № 3971. Гираж 3382.

г. Саранск, тип. „Красный Октябрь“.